

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ٤٠ پاره در

فکرانک

آبونه اولمق ایستینلر دائره عدلیه ده
اداره مخصوصه سنه مراجعت
ایتملدر

اعلانانک بهرندن بر مجیدیه اخذ
ایدیلور

نسخه سی ٤٠ پاره در

هفته ده ایکی دفعه جمعہ ابرتسی و چهارشنبه کونلری نشر اولنور . محتویاتی امور عدلیه به متعلقدر

نشان

عهده سنه اناطولی قاضی عسکر لکی پایه جلیل
توجیه بیورلمش اولان در سعادت استیناف مدعی
عمومیسی ترشیچی زاده احمد مختار افندی زاده سماحتلو
نجم الدین افندی حضرتلرینه تبدیلاً برنجی رتبه دن
مجیدی نشان ذیشانی احسان بیورلمشدر .

تعیین و تحویل

قائدلن قضاسی بدایت محکمه سی مستنطقلکنه
ارکری سنجانی بدایت محکمه سی مستنطق ثانسی
حسین عونى افندی

ارکری سنجانی بدایت محکمه سی مستنطق
ثانیلکنه پراویشته قضاسی بدایت محکمه سی
مستنطق سابق محمد طاهر افندی

ایلبسان سنجانی بدایت محکمه سی مستنطقلکنه
مناستر ولایتی مرکز بدایت محکمه سی اعضا ملازمی
حافظ عبد الرحمن افندی

مناستر ولایتی مرکز بدایت محکمه سی اعضا
ملازملکنه مکتب حقوق شاهانه مأذونلرندن
نظیف افندی

طرابلس غرب ولایتی مرکز بدایت محکمه سی
سر مستنطقلکنه قسطنطنی ولایتی مرکز بدایت
محکمه سی سر مستنطق سابق حمدی افندی

طرزون ولایتی مرکز بدایت محکمه سی مستنطق
ثانیلکنه آنقره ولایتی مرکز بدایت محکمه سی
سر مستنطق سابق نجاتی افندی تعیین اولنمشدر .

تبلیغات

ولایات شاهانه دفتر خاقانی اداره لرینک تنسیقات
وتشکیلاتنه و مأمورین و مستخدمینک وظائفنه

دائر اولوب ١٩ جمادی الآخره سنه ٣٢٥ و ١٧
تموز سنه ٣٢٣ تاریخده اراده سنیه جناب
ملوکانه یه اقتران ایتمش و دفتر خاقانی نظارت
جلیله سندن ١٥ ايلول سنه ٣٢٣ تاریخلی تذکره
ایله عدلیه نظارت جلیله سنه ارسال قلمسی
اوزرینه نظارت مشارالیه ایدن ده ولایات شاهانه
استیناف مدعی عمومی لکرینه تعیماً تبلیغ
اولنمش اولان نظامنامه در :

برنجی قسم

دفتر خاقانی مأمورین و مستخدمینه دائر در
برنجی بند هر ولایت مرکز نده بولنان
دفتر خاقانی مأمورینه دفتر خاقانی مدیری والویه ده
بولنانلره دفتر خاقانی مأموری عنوانی ویرلمشدر .

ایکینجی بند دفتر خاقانی مدیرلری درت صنف
اولوب بولنلرک بولندقلری محالار و آله جقلری معاشلر
اشبو نظامنامه به مربوط دفترده ارائه ایدلمشدر .

شوقدر وارکه برنجی صنفدن معدود اولان
بغداد و طرابلس غرب ولایتلری مدیریتلری ایچون
بعیدیه مسافه جهتیله مستثنا اوله رق اوچر بیک بشر
یوز غروش معاش تخصیص قلممشدر .

اوچینجی بند الویه ده بولنان مأمورلر کذلک
درت صنف اولوب بولنلرک مقدار معاشلری مربوط
دفترده ارائه ایدلمشدر .

دردنچی بند معاملاتی کثیر اولان و ناملری
مربوط دفترده تصریح ایدیلان جمعاً اون یدی قضا
طاو کاتبی مستثنا اولمق اوزره قضا لری طاو کاتبلری
درت صنف اعتبار ایدلمشدر .

من القیم طاو کاتبی مستخدم اولان نواحیده
کا کان برر طاو کاتبی بولندریله جقدر .

معاملاتی قایل اولان بعض قضا لردن ماعدا ملحق
قضا لری کاتبلری رفاقتلرندن برر رفیق استخدام

اولنه جقدر بولنلرک معاشاتی مقادیری کذلک مربوط
دفترده کوسترلمشدر .

بشنجی بند مدیرلرک معیتلرندن برر باش کاتب
و معاملانک حسامت و اهمیتنه کوره برر ویا ایکیشر
کاتب و مرکز طاو کاتبی و بولنلرک معیتلرندن برر ویا
ایکیشر رفیق استخدام اولنه جقدر .

بولنلرک و سائر معیت مستخدمینک و قضا لره
بولنان طاو کاتبلرینک آله جقلری معاشلر مربوط
دفترده کوسترلمشدر .

التنجی بند لوارده بولنان مأمورلر معیتلرندن
برر باش کاتب و کذلک معاملانک حسامت و اهمیتنه
کوره برر ویا ایکیشر کاتب و برر طاو کاتبی
استخدام ایدیلرک و بولنلرک معیتلرندن برر رفیق
بولندریله جقدر .

یدنجی بند بالعموم طاو معاملاتی ایله
دفتر خاقانی مدیر و مأمور و کتبه سی حقنده تحقیقات
و تفتیشات متوالیه ده بولنمق اوزره سیار بش مفتش
استخدام اولنه جقدر .

مفتشلرک معاشلری بیک بشر یوز غروش اولوب
برحله اعزام اولندقلری تقدیرده محل مأموریتلرندن
بولندقلری مدتیجه برر مثلی و بغداد و بصره و موصل
ولایتلری داخلنه اعزام اولنان مفتشلر ایکی مثلی
ضم معاش و عزیمت و عودتلری و بولندقلری محالرده
طولاشه جقلری یرلر ایچون نظامنه توفیقاً مع ضم
معاش اصلیلری نسبتده خرج راه آله جقلردر اشبو
ضم معاشلر ایله خرج راهلر مفتشلرک بولندقلری
محالر طاو حاصلاتندن تسویه و معاشات اصلیه
دفترخانه جه ایفا قلنه جقدر .

سکزنچى بند دفتر خاقانی مفتش و مدیر
و مأمورلری با اراده سنیه حضرت پادشاهی نصب
و تعیین اولنور .

طقوزنجی بند مدیر و مأمورلر قاعده مرعیه سی
وجهله انجمن نظارتجه امتحانلری بالاجرا اقتدار
واهیتلرینی حاوی برقطعه انتخابنامه یی حائر
بولنه جقلردر .

اونچی بند انتخابه استحصانه طالب اولانلرک بالذات انجمن نظارتده امتحان ايله اثبات اهلیت ایلری مقتضیدر .

اون برنجی بند بغداد وبصره کجی بعدیت مسافه حیولتیه درسعاده اثبات وجود تمتع اولان محللرده بولان طالبلر ایچون مستتتا اوله رق جانب نظارتدن کوندریله جک اسله ورقه لری موجنبجه محلی مرکز ولایت مجلس اداره سنجه امتحانی اجرا اولنه رق اولابده تنظیم وجانب نظارت اسرا ایدیله جک مضبطه اوزرینه انتخابه اعطا قنور .

اون ایکنجی بند طالبلرک مجرب الاطوار بولملری امتحانه دخولک شرائط اساسیه سننددر بناء علیه نظارتجه مضبوط سجللری هر حالده اول امرده تدقیق ایدیله رک طالبلر امتحانه قبول و یارد ایدیله جکدر .

ایکنجی قسم

دائمی معاملاتنه دائردر

اون اوچنجی بند بالجمله املاک و اراضی ومسقات ومستغلات و قبیله ايله کدکدر دفتر خاقانیه املاک و اموال غیر منقوله نامیه معرفددر بونلرک انتقال و بیع و فراغی معاملاتنک درسعاده سندات اداره سنجه و ولایت شاهانه دفتر خاقانی اداره لرنبه اجراسی قوانین و نظامات مخصوصه سی ایجاباتندن اولغله و مذکور اداره لر خارجه سند عادی ايله آلم صاتم اجراسی اولابده شرفصادر اولان اراده سنیه حضرت پادشاهی منطوق منیفنجه قطعاً ممنوع بولغله اویوله سند عادی ايله آلمان مالدن طولانی تحت ایده جک دعاوی محاکمه و دوائر رسمیه جه غیر مسموعدر بناء علیه بوجهله آلم صاتم سندینی تصدیق ایدن هیئت روحانیه و یا اختیاریه و سایر افراد و اشخاص قانوناً مسئول طوتیه جکدر .

اون دردنجی بند سنده مربوط ومستند اولیان املاک و اموال غیر منقوله حقننده حکومت سنیه دوائر رسمیه سنجه برکونه معامله اجرا ایدیله جکدر . بومقوله محللره دائر و برکو قلملریله شعبات سائرجه معلومات آتور ایه اول امرده قیود تصدیقه لازم الاجرا معامله نك ایشاسی ضمنتده محللری دفتر خاقانی اداره لرینه تبلیغ وتودیع کیفیت ایدیله جکدر خلافی حرکتده بولسان مأمورلر قانوناً مسئول طوتیه جکدر .

اون بشنجی بند توارث و انتقال وتوسیع حدانتقال معاملات برکونه تکالیف و مرتبات امیرییه تابع طوتیه جکدر . توارث وانتقال معاملاتنده خرج تعرفه سی

موجنبجه اخذ اولغله اولان خرجلر بعد ازین ملغادر . انحق حق ارث وانتقال اصحابنک حق انتقاله نائلیتلی تاریخنندن اعتباراً نهایت برسنه ظرفنده درسعات سندات اداره سنه وطشره لره محللری دفتر خاقانی اداره لرینه مراجعتله انتقال معاملاتنی ایفا ایتدیرملری وسند خاقانی اخذ ایلری مجبوریدر . برسنه مرورندن سوکره مراجعت ایدنلردن خرج توارث وانتقال مذکور تعرفه مرقم نسبتلردن بر مئلی فضلّه آله جکدر .

اون التنجی بند امر تصرفه متعلق هیچ بر معامله ججز قانونیدن بشقه برسبیله آخیر ایدیله من فقط بیع وفراغ معاملاتنده فراغی اجرا ایدیله جک محله مخصوص مترکم و برکو وار ایه سنه آنک اول امرده استحصال ایدلش اولسی مقتضیدر کدک بدل فراغده کتم وقوعی محسوس اولدینی تقدیرده تحقیقات اجرا سیله تبیین ایده جک حاله کوره بعده ایجابی ایفا اولنحق اوزره اول امرده بدل مکتومه عائد خرج فراغ دخی ودیعه اخذ واستیفا اولنه رق اکمال معامله اولنه جکدر .

اون یدنجی بند دائمی معاملاتنک اجراسی صره سننده عهد تصرفلرنبه کچه جک محاکم تخطیط خریطه لرنبک تنظیمی طلبنده بولنانلر اولور و اجراسی محلاً ممکن بولنور ایه سی یوقلمه فصلندنکی اوتوز ایکنجی بندده محرر ایضاحات دائره سننده و اوتوز اوچنجی بندده مرقم اجرت مقابلنده مساحه اجرا وتخطیط خریطه لرنبه تنظیم واعطالنه حق وبومعاملات ایچون آله جق اجرتلر مهندسلر ايله مأمورلر پیننده مناصفه اخذ واستیفا ایدیله جکدر .

(مابعدی وار)

محاکمات قضاة

محکمه تمیز حقوق دائره سنندن تنظیم واعطا

اولنان اعلامدر :

خداوندکار ولایتی داخلنده کائن کملیک قصبه سنک بالقی بازاری محله سننده ساکنه قترینه ايله قصبه مذکوره دیون عمومیه اداره سی پیننده متحدث دعوا به دائر خداوندکار ولایتی استیفاف محکمه سنندن ۱۰ رمضان سنه ۱۲۳۲ تاریخی و اوتوز طقوز عددی ايله ویریلان اعلام مزبوره قترینه طرفندن تمیز ایدلکه باش مدعی عمومیک مأموریت بهیه سنک مطالعه نامه سی آلدنقدن سوکره اعلام مذکور طرفینک اعتراض وجواب لایحه لرله بالمطالعه تدقیقات تمیزیه اجرا سنه ابتدار قلندی .

اعلام مذکورک خلاصه مائی قصه مذکوره اهالیسنندن اوده سیام کسنه نک امور بک قریه لی ابراهیمک التزام ایلدیکی اعشاره کفالت ایتسنندن طولانی ملتزم مرقومک دیون عمومیه اداره سنه اولان دینک تأمین استیفا سی ایچون اداره مزبوره طرفندن کندوسنک کملیک قصبه سننده بالقی بازاری محله سننده واقع اولوب انحق سکناسنه مخصوص بولنان معلوم الحدود بر باب خانه ده اولان اون سهمده اوچ سهم حصه سی فضولا ججز آلتنه آلدنقدن بخله ججز مذکورک فکئی کملیک بدایت محکمه سننده طلب ودعوی ایتسنه فارشو اداره مذکوره وکیلی احمد بک دخی مذکورخانه نک قرق بیک غروش قیمتی اولوب بونده مرقوم اوده سیانک اون ایکی بیک غروش دکرند حصه سی اولدینندن صائیه رق ایکی اوچیک غروش قیمتده برخانه اشترا سیله اوست طرفنک دیننه محسوب اولنقی اوزره دیون عمومیه سی تسلیمی مذاقعه درمیان ایدرک بر درجه قدر محاکمه جریانندن سوکره مزبوره قترینه قادی رقطعه استدعا ايله شخص ثالث صقتیه داخل دعوی اوله رق منازع فیه خانه ده اولان مذکور المقدار حصه سی اوغلی اوده سیام مقدما الی ایرا نقابلنده برقطعه فراغ سندی ايله کندوسنه فروخت ایتش اولدینقی بیان و ادعا و مذکور حصه اوزرینه وضع اولنان ججزک فک ورفنی انبا و مذکور سندی ابراز واعطا ایلسی و دیون عمومیه اداره سی وکیلی مومی الیه احمد بک دخی بوکجی بیع و شرا اصول محاکمه نک سکسانجی و املاک نظامنامه سنک مواد مخصوصه سی احکامنجه سندانه ربطی عرف وعادت اولان عقود ومعاملاتدن اولدینقی حالده خارجاً وقوعی بیان اولنان بیع مذکورک معتبر اوله میه جی کی خانه مذکورک ایوم اوده سیانک اوزرنده بولندینقی املاک قیودیه مثبت ودعوی بشبیک غروشی متجاوز اولغله شهود شخصی استماعی جائز اوله میه جی وسند مذکور نم التدارک اولوب حکمسزلکی آشکار اولغله کشفاً تحقیق ایدن خانه قیمتنه کوره کفیل مرقومک حصه معلومه سنک فروختی و اتمانندن بر سکن تدارکی ايله اوست طرفنک دیون عمومیه سی تسلیمی بیان ایتلمی و اخیراً مزبور اوده سیام دعواندن فراغت ایلسی اوزرینه شخص ثالث صقتیه داخل دعوی اولان مزبوره قترینه حضوریه جریان ایدن محاکمه وتدقیقاتده منازع فیه خانه حصه سی قبل الحجز الی لیرایه مقابل مرقوم اوده سیام طرفندن مزبوره قترینه به بیع ایدلیدی مومی الیه احمد بک انکارینه مبنی مزبوره نک ابراز ایلدیکی بیع سندی ولدی التزکیه مقبول الشهاده ایدوکلری تظاهری ایدن شهود شخصی نک شهادتیه ثابت اولسنه بناء محله نک یوز انحق یدی و یوز یتش اوچ ویک سکن یوز اون بش ویک

سکن یوز اون سکن و دین ایچون املاک فروختی حقننده کی نظامنامه نک اون اوچنجی و اصول محاکمه نک یوز اون یدنجی ماده لری احکامنه توفیقاً مذکور خانه نک اون حصه ده اوچ سهمی حقننده کی منعقد اولان بیعک تصدیقیله حصه مذکوره اوزرینه موضوع ججزک فک ورفتمه دائر بدایه لاحق اولان اعلام علیننده اداره مذکوره جانبندن استیفاف دعوا سی اقامه اولنسی و یوم معینده مزبوره قترینه ايله مرقوم اوده سیانک عدم اجابتلری اوزرینه غیابلرنده وکیل مسخر تعیینیه جریان ایدن محاکمه وتدقیقات نتیجه سننده حکم ابتدائی مذکورک اسباب قانونیه مبنی فسخیله دعوی واقع نک بتکرار رؤتی ایچون بدایت محکمه سننده اعاده وحواله سنه حکمدن ومستدعی تمیز مزبوره قترینه قادی سنک اشبو حکم علیننده لایحه سننده محرر اعتراضاتنک خلاصه سی منازع فیه خانه کی کندوسی بدل معلوم مقابلنده اوغلی اوده سیانک اولدینی بدایه تبیین ایتکله مرقومک دخی حضوری لازم کلیه جکی کی محکمه استیفافیه جه اسباب فسخیدن اولقی اوزره کو، تریلان کشفه دخی لزوم یوق ایکن بدایه کشفک یولیه اجرا اولغانمسنندن ناشی حکم ابتدائیک فسخ ایدلسی مخالف قانون اولدینندن بخله اعلام مذکورک تقضی استدعاسنندن ومدعی علیه اداره مذکوره وکیلنک نتیجه اجوبه سی دخی سرد اولنان اعتراضات واهی و بی اساس اولدینقی بیانیله ردی وموافق اصول وقانون اولان اعلام مذکورک تصدیقی طلبندن وآآف الیسان مطالعه نامه نک مندرجاتی دخی بدایه صدور ایدن قرار عند الاستیفاف محکمه جه فسخ ایدیله رک کوریلان نقصانک اکالی لازم کلور ایکن نتیجه نواقصک اکالی ضمنتده بدایت محکمه سننه اعاده سنه قرار ویرلسی مغایر قانون اولدینقی بیانندن عبارتدر .

ایجابی مذاکره اولندقدن اعلام مذکور مطالعه سنندن اکلاشلدینقی اوزره خداوندکار ولایتی استیفاف محکمه سی حکم ابتدائی فی فسخ ایدرک بتکرار رؤتی ایدلک اوزره دعوانک بدایت محکمه سننه اعاده سنه قرار ویرلش ایه ده اصول محاکمه حقوقیه قانوننک یوز طقسان التنجی ماده سنک فقره ثانیه سی حکمنجه حکم ابتدائیک عند الاستیفاف فسخی حالنده استیفاف محکمه سننجه اکال نواقص ایدلک لازم کلور ایکن اکال نواقصک بدایت محکمه سننه حواله ایدلسی یولسز ومخالف قانون اولدینندن اصول محاکمه حقوقیه قانوننک ایکی یوز اوتوز ایکنجی ماده سی موجنبجه اعلام مذکورک قضیه قانون مذکورک ایکی یوز قرق دردنجی ماده سی حکمنه توفیقاً کیفیتک بالرویه اعلامه ربطی

ضمنتده محکمه مذکوره یه اعاده سننه ۲۸ شباط سنه ۱۳۱۳ تاریخنده متفقاً قرار ویرلدی .

محکمه تمیز استدعا دائره سنندن تنظیم واعطا

اولنان اعلامدر :

قونیه ولایتی هیئت اتهامیه سنندن لاحق اولان ۲۰ نیسان سنه ۱۲۳۲ تاریخی مضبطه نک تمیزنی مستدعی ولایت مذکوره استیفاف محکمه سی مدعی عمومیک طرفندن ویریلان ۲۶ نیسان سنه ۱۲۳۲ تاریخی استدعنامه واوراق متفرعه سی باش مدعی عمومیک مأموریت بهیه سنک ۲۹ حیران سنه ۱۲۳۲ تاریخی تبلیغنامه سیله محکمه تمیز استدعا دائره سننه تودیع اولنغله لدی التدقیق مذکور استدعنامه نک مدت قانونیه موافق ومضبطه مذکوره صلاحیتیه متعلق اولدینی اکلاشلدینندن اوراق مرقومه دائره جه قرائت ومطالعه اولندی .

مذکور مضبطه نک مائی احمد اوغلی حسنه معامله جبروشدت اجرا سیله اشیا وطوارلری اخذ وغصب ایتدکلری ادعاسیله مظنون علیم اولان محمد ورفقاسنک منع محاکمه لرنبه دائر مستسطق طرفندن ویریلان قرارنامه اوزرینه کیفیت هیئت اتهامیه جه بالتدقیق مدعیده اثر مرض اولوب اولدیننک فآ تحقیق لازمیدن ایکن بوصوللره رعایت اولغماش اولدینندن قرار نامه مذکورک بالفسخ ذکر اولنان نواقصک اکالیه یکیدن قرار قانونیه ربطی ضمنتده اوراقک محله اعاده سنه قرار ویرلیدنک و مذکور استدعنامه ده مندرج اعتراضاتنک خلاصه سی دخی هیئت اتهامیه بومثلکو مواده کوره جکی نواقصی اعضادن تعیین ایده جکی بر مستسطق مخصوص معرفتیه اکال ایتدیرمی لازم کلور ایکن برمنوال محرر اکال نواقصک محلی مستسطقلکنه احاله سی مغایر اصول وقاعده اولدینندن بخله مذکور مضبطه نک تقضی طلبندن وتبلیغنامه نک مفادی دخی تمیز استدعنامه سننده درمیان اولنان اعتراضات بجا کورلش اولسنه مبنی ذکر اولنان مضبطه نک تقضی لازم کله جکی بیانندن عبارتدر .

ایجابی لدی المذاکره هیئت اتهامیه جه مستسطق قرارنامه سی بعض نواقصدن طولانی فسخ ایدلیدی تقدیرده اصول محاکمات جزائیه قانوننک ایکی یوز اون سکننجی وایکی یوز اون طقوزنجی ماده لری موجنبجه هیئت مذکوره اعضاسنندن بریسنک مستسطق مخصوص تعیینیه نقصان کوریلان تحقیقاتک اکال ایتدیرلسی اقتضا ایدر ایکن اکال نواقص ضمنتده اوراقک محله اعاده سننه قرار ویرلسی یولسز ومخالف قانون

اولدینندن اصول مذکورک اوجیوز اون دردنجی و اوجیوز اون طقوزنجی ماده لری احکامنه توفیقاً مذکور مضبطه نک نقضنه واوراق مرقومه نک محله اعاده سننه ۱۵ تموز سنه ۱۲۳۲ تاریخنده متفقاً قرار ویرلدی .

۶۱۶ نومرو لی نسخه ده مندرج درسعات

جنایت محکمه سی اعلامنک مابعدی :

مهملردن ابراهیم طرفندن ویریلان استدعنامه ده جلبلری طلب اولنان وجانب ریاستدن اظهار حقه مدار اولقی اوزره استماعلری تنسیب ایدیلان وعلی الاصول توقیفخانه دن جلب اولنش اولان شاهدلرک نه کجی اخبارانده بولنه جقلری مرقوم ابراهیمدن صورلدقدن جبرائیلک کندوسنه سکا اقرا ایتدم دیدیکنی خبر ویره جکلری سوللکه شهود مرقومه برررر حضور محکمه به جی قسار یله رق لدی السؤال متمرله قرابت ومناسبت وخصوصتلی اولمدینقی اکلاشلدقدن وکندولرنبه اخطارات لازمه ایفا قلندقدن سوکره مواجهه استماع اولندقلرنده بولردن جرح ماده سنندن طولانی موقوف بولندینقی ومقدما طو شپوده اقامت ایدر ایدوکنی سولیان یکرمی ایکی یاشنده آستانه لی پولیس احمد افندی ابن حسین مهملردن جبرائیل خسته خانه دن جیقدقدن سوکره یالرنده اوطور مقدمه ایکن قلملرک مسئله سننده ابراهیمک ذره قدر قباحتی یوقدر قابللری وقلب اچقلری بن اعمال ایتدم مصطفی افندی واسطه سیله طاغتمد دیدیکنی ایشدیکنی بیان ایتدی .

ذمتنه مال میری کچورمسنندن طولانی جتجه فعلیه موقوف بولندینقی وقلمه سلطانیده مقیم اجرا تحصیلداری ایدوکنی درمیان ایدن یکرمی اوچ یاشنده قلمه سلطانیله محمد علی افندی ابن بهلول مهملردن جبرائیلک خسته خانه دن کلدکدن سوکره قلملرک ماده سننده ابراهیمک دخلی یوقدر دیدیکنی واسکندر حقننده برسوز سولدیکنی وبر مصطفی افندیدن بحث ایتش ایه سنه نه سولدیکی خاطرانده اولمدینقی افاده ایتدی .

بساوورط تحریف ایتک فلندن طولانی موقوف بولندینقی حالده کفالتیه سیبیلی اخلا ایدلیدی وفاتج جوارنده قهوه جیلک ایتکده بولندینقی بیسان ایدن قرق القی یاشنده شمیل حسن بن علی اون بش اون التی کون مقدم توقیفخانه ده بولندینقی صره ده مهملردن جبرائیلک خسته خانه دن کلبی اوزرینه مرقوم ابراهیمه یازیق دکل دیدیدکسنده جبرائیلک « بی اخبار ایدن اودر ظنیه افتراده بولندیم حالبوکه

برشیدن خبری یوقدر قالبیری وقلب اچقهری بن اعمال ایتدم پاره‌ری مصطفی‌افندی واسطه‌سیله صرف ایلدم « دیدیکی سویلدی .

احمد و محمد علی افندیلر ایله حسنک شهادت‌لری ختام بولدقچه نهدیه‌جکی مرقوم جبرائیلدن صورلدقده کندوسی او یولده برسوز سویلدیکی درمیان ایتدی .
متهملردن ابراهیمک باستدعانا مه جلبیری طلب ایلدیکی شاهدلردن قوندیره‌جی محمد اوسته‌نک سیبلی تخلیه ایلدیکی واقامتکاهی مجهول بولندیغی خبر ویرلدیکندن ریاستجه مرقومک جلب واستماعندن فراغت ایلدی .

ادعا شاهدلردن اولوب موقوف بولندیغی خبر ویریلان توفیقک دخی سیبلی تخلیه ایلدیکی اکلاشلدیغندن معاون مومی الهک طلیله مرقومک اقامتکاهندن جلبی ضمنده محاکمه‌نک یوم آخره تعلیقته متفقاً قرار ویریلهرک طرفینه اکلادلدی .

تموزک اوننجی صالی کونی متهملر توقیفخانه‌دن کتوردیلهرک مدافعه وکیللردن حمدی افندی بالورود دیگر وکیل صائم‌افندیکنک عدم ورودینه‌مینی متهملرک قبول وموافقتریله وکیل تعیین قلنان واوراق دعوائی وضبط سابق بالمطالعه مدافعه‌یه مهیا ایدوکنی سویلیان محکمه نزدنده مستخدم دعوی وکیللردن اقرپاس افندی ایله کذلک اوراق دعوائی وضبط سابق مطالعه ایدن استیناف مدعی عمومی معاونلردن عزرتلو بهجت بک حاضر اولدقلری حالده محاکمه علنییه دوام ایلدی .

ادعا شاهدلردن اولوب دعوت واقعه‌یه مینی کلدیکی خبر ویریلان قبان‌دقیقه زیرکده اقامتله محل مذکورده فرنک طلومه جیلغی ایتدیکنی سویلیان قرق سکر یاشنده آستانه‌لی توفیق بن مصطفی حضور محکمه‌یه چیقاریلهرق لدی السؤال متهملره قرابت ومناسبت وخصومتی اولدیغی اکلاشلدقدن واصولی وجهله امر تحلیفی اجرا قلندقدن سوکره استماع اولندقدن متهمل جبرائیل و ابراهیم واسکندرک قابزنلک ایتدکلرندن وقلب اچقهری سوردکلرندن معلوماتی اولدیغی مضبوط افاده‌سی موجبجه درمیان ایلدی .
متهملردن اسکندرطرفندن ویریلان استدعانا مه ده جلبیری طلب اولنوب جانب ریاستدن اظهار حقّه مدار اولمق ازرره استماع‌لری تنسیب ایدیلان وموقوف بولندقلری جهته توقیفخانه‌دن کتوردیلان شاهدلر دخی برربرر حضور محکمه‌یه چیقاریلهرق لدی السؤال متهملره قرابت ومناسبت وخصومت‌لری اولدیغی اکلاشلدقدن وکندولرینه اخطارات لازمه ایفا قلندقدن سوکره مواجهه استماع اولندقلردن بولردن مقدما قباصقالده اقامت ایتدیکنی وضرب ماده‌سندن

طولای موقوف بولندیغی سویلیان اوتوز یاشنده آقره‌لی صادق بن علی متهملردن جبرائیلک خسته‌خانه‌دن توقیفخانه‌یه کله‌رک قابزنلک فعلنده ابراهیم واسکندرک دخلی اولدیغی ومرقومانه افترا ده بولندیغی بیان ایتدی .

وقتل ماده‌سندن طولای متهماً موقوف ایدوکنی وهنوز محکوم اولدیغی اتیان ایدن یکریمی اوچ یاشنده بیله‌جکل قسطی ولد آیواز متهملردن جبرائیلک مصطفی افندی ایله برلکده برسنه قدر قابزنلک ایتدیکنی و ابراهیم ایله اسکندرک افترا ده بولندیغی سویلدیکی درمیان ایتدیلر .

(مابعدی کله‌جک نسخه‌یه)

خریساتی‌ی ضرب ایلدیکی تین ایدن رائفدن بر آلتون آلتوب مضروبه اعطاسنه یکدیگری ضرب ایدن مانولک اون کون و آتیقه‌نک بر هفته مدتله حبسلرینه

مضاربه ایلدکلری تین ایدن تئوفلینک اون کون وفوطینک بر هفته مدتله حبسلرینه

مزالطوبی ضرب ایدن محال خالک ایکی ماه مدتله حبسنه

یکدیگری ضرب ایلدکلری تین ایدن بکچی محمد ایله یورکینک بر هفته مدتله حبسلرینه

قهوه‌جی چراغی یورکینک قورشون بوری سرقت ایتدیکی ثابت اولغله اوچ ماه مدتله حبسنه وختام مدت جزائی‌سنده ضابطه‌جه کفالتله ربطنه

تین ایدن خلاف تنیه حرکتندن طولای قوچودن بش بشلک جزای نقدی آلتسنه

فاطمه‌خانمی ضرب ایلدیکی تین ایدن نکار خاندن بر آلتون آلتورق مضروبه‌یه اعطاسنه

صلاح الدینی ضرب ایتدیکی تین ایدن صالحدن بر آلتون آلتوب مضروبه ویرلسنه

غلطه‌ده کائن قهوه‌خانه‌سنده قار اویناتدیغی تین ایدن حسینک بر ماه مدتله حبسنه

سمیدجی چراغی خلیلی ضرب و جرح ایلدیکی تین ایدن کامل‌افندیدن بر بچق آلتون آلتوب مضروبه ویرلسنه

برادری محمدی ضرب و جرح ایدن عاکفدن بر آلتون آلتوب محمده ویرلسنه

تنظیفات عمله‌سندن عبد‌اللهی جرح ایدن آوانکلوسدن بر آلتون آلتوب مجروحه اعطاسنه

علی چاوشی ضرب جرح ایدن پاسقالک اون کون حبسیله برابر بر آلتون آلتوب مضروبه اعطاسنه

درویش افندی‌یه ناموسه طوقور سوز سویلدیکی تین ایدن احمد عزت افندیدن یارم آلتون جزای نقدی

آلتسنه بک اوغلی بدایت محکمه‌سی جزا دائره‌سنجه قرار ویرلشدر .

مجازات ایتدیه

بوزقیر قضاسی بدایت محکمه‌سی اعضاسندن مستنطق مصطفی‌افندیکنک خلاف اصول وقانون احواله جرأتی قونیه ولایتی استیناف محکمه‌سی مدعی عمومی‌کلندن وارد اولان اوراق تحقیقه مندرجاتندن مستبان اولسنه مینی بالعزل محاکمه آلتنه آلتسنه عدلیه نظارت جلیله‌سندن مأذونیت ویریلهرک مذکور مدعی عمومی‌کلک تبلیغات مقتضیه ایفا ایدلشدر .

اعلانات

بک اوغلی بدایت محکمه‌سی برنجی مقرومه دائره‌سنده :
خره‌لامبو ولد کریاقونک سبق ایدن خدمتی اجر تنندن طولای مقدما بک اوغلنده طوغری یولده حلب خانی ایچروسنده اون بش نومرولی بقال دکاننده ساکن الیوم اقامتکاهی مجهول بولنال بقال لیغور ولد قوزمه ذمتنده آله‌جینی اولان درتیک درتیوز وامانه تودیع ایلدیکی اوچیوز یکریمی ایکی غروشکه جمعاً درتیک یدییوز یکریمی غروشک مع فائض تحصیانه دائر اقامه ایلدیکی دعوانک یوم محاکمه‌سنده مدعی علیه لیغور ایله وقوعبولان تبلیغات اوزرینه اثبات وجود ایتامسیله حاضر بولنان مدعینک طلیله اصول محاکمه حقوقیه قانوننک یوز قرق بشنجی ماده‌سی حکمنه توفیقاً تعیین قلنان وکیل مسخر محضرنده غیاباً اجرا قلنان محاکمه‌سنده عندالاعتراض انکار وقوعنده یمیندن نکولنه تعلیقاً مدعابه مزبورک استدعا تاریخندن اعتباراً مع فائض مدعی علیه‌دن تحصیله ودرتیوز اوتوز الی غروش مصارف محاکمه‌نک مدعی علیه عائدیتنه ۱۱ ایلول سنه ۳۲۳ تاریخنده غیاباً ومتفقاً قرار ویریلهرک اولباده تنظیم قلنان ۱۵ ایلول سنه ۳۲۳ تاریخ‌وایکی یوز قرق طقوز عدلی اعلامک صورت مصدقه‌سیله اولباده‌کی تبلیغ علم وخبری محکمه دیوانخانه‌سنه بالتعلیق تبلیغ ایدلش عد اولنمق وتاریخ اعلاندن اعتباراً قانون مذکور ماده مخصوصه‌سی منطوقنجه اقامتکاهی مجهول اولان مدعی علیه لیغورک حق اعتراضی جاری اولمق اوزره اعلان اولنور .